



**Claudii Fleurii Abbatis Historia Ecclesiastica**

Ab anno Christi 1601. usque ad annum 1605

**Fleury, Claude**

**August. Vind. [u.a.], 1776**

**VD18 90118790**

§. 18. Auxiliares Turcarum copiæ a Mercurio cæsæ.

---

[urn:nbn:de:hbz:466:1-67204](#)

Sæc. XVII.  
A. C. 1601.

perfringere statuit, displosisque omnibus belli tormentis mænia quatere incipit. Tum equidem ultima pestis urbi fuit, quippe largo hiatu subrutus erat murus, cuius ruinas certatim Cæsarei involant; ac per mutuas cædes & cada- vera viam sibi sternentes non ætati non formæ nec sexui parcent, sed uno mi- scentes interitu, ut quemque de hosti- bus fors obviam dederat, nullo discri- mine trucidant: nec tamen Turcæ in- ultam suorum cladem reliquere; quippe Christianis ad nobiliores Turcarum ædes præ datum convolantibus Bassa cuniculis ignem admoveri jussit, unde murorum ruinis Barbari cum Cæsareis promiscua clade opprimebantur: nihilominus Præsidarii numero & fortitudini cedere coacti se se victorum arbitrio com- misere. Periere e Turcis mille ducen- ti, captis quamplurimis, qui in muni- tioribus suis ædibus aut templis inculsi latebant. Præda magis opima Wallo- nibus cessit, qui immani crudelitate indomitisque furiis in Turcas imo ipsa etiam Pannoniæ Regum offa debac- chabantur.

### §. XVIII.

*Auxiliares Turcarum copiæ a Mer- curio cæsæ.*

Capta

**C**apta feliciter urbe Mercurius ea qua Sæc. XVII.  
potuit, celeritate murorum ruinas A.C. 1601,  
refici curabat, impositoque quinque Ve-  
xillorum præsidio Richardum Staren-  
bergium præficiebat, castella vero vi-  
cina aut vi capta aut a fugientibus Tur-  
cis recepta fuere: his ita dispositis cast-  
risque ad vicinam sylvam promotis  
Muhamedes Kihaja Budæ Præfectus  
exercitu triginta ferme millium per mon-  
tana circumducto die decima Octobris  
laboranti urbi succurrere festinat: ast  
accepto deditioñis nuntio Cæsareorum  
castra aggredi statuit: quo circa Mat-  
thias Archidux, cum rem ad prælii ne-  
cessitatem pervenisse cerneret, unacum  
Mercurio aciem instruit, initoque cer-  
tamine hostes in fugam vertit, captis  
aliquot tormentis: nec tamen propterea  
Turcarum animositas sedata est; quip-  
pe dextero latere vallum totis viribus  
aggrediuntur, Hussaris strenue quidem  
decertantibus, prævalente tamen ho-  
stium numero cedere coactis: quo fa-  
ctum, ut Barbari, quorum audaciam  
comprobatae violentiæ felicitas acue-  
bat, totam furoris sui vim in proximum  
aggerem effunderent, ac patefacto hiatu  
ferme trecenti impune irruerent, quos  
tamen data opera intromissos Tribunus  
tam denso globorum igneorum grandi-  
ne exceptit, ut improvidæ temeritatis

D 3

suæ



Sæc. XVII. suæ poenam numerosa suorum clade,  
A. C. 1601. turpique ceterorum fuga luere cogentur.

Interea Mercurius instructam aciem adversus Turcarum phalanges admovet, octo equitum legionibus, totidemque peditum vexillis auctus, moxque infideles agro nuper amissis dejicit, occupatisque novem belli tormentis hostem ad urbis vicinia pollicit: postridie autem promotis castris Cæsarei montem quemdam a Turcis, ut annum nam eo advectam interciperent, occupatum non minus strenue aggrediuntur, ac feliciter occupant: Altera die Mercurio et montanis longius progradiente, ipsi etiam Turcæ proprius nostros insequuntur, data occasione illos aggressuri. Interea numero agmine alteram, quam annona ad Cæsareos devehebatur, viam obsident, brevi tamen auffugere compulsi, violentius instantibus Preunerii Comitis equitibus. Tandem Janissari tribus locis nostrum aggrediuntur exercitum, explosisque belli tormentis Turnii Equitatum graviter infestant, tantoque impetu in Cæsareos irruunt, ut Hussaris sensim pedem referentibus tota acies nutare inciperet, mox autem redintegrato certamine, diu æquis viribus dimicatum. Tandem vero adducto recenti milite hostes die decima octava Octobris post pertinacissimam impressio-

nem

nem in fugam acti sunt, dissipatos ta- Sæc. XVII.  
A.C. 1601.  
men, cum pugna in noctem protracta  
effet, viator miles insequi haud pote-  
rat. In hoc autem conflictu cæsa sunt  
Turcarum duo millia, atque in iis Mehe-  
met-Bassa & Kihaiia Budensis Præfe-  
ctus præter septem alios Tribunos,  
ex parte Cæsareorum desiderati sunt  
duntaxat trecenti. Tantulo impendio  
stetit celebris hæc victoria, qua parta,  
cum ob imbrium frequentiam spes om-  
nis Albæ recuperandæ Turcis adempta  
effet, castris incensis Archidux una-  
cum Mercurio Viennam profectus est.

## §. XIX.

*Turcarum Imperatoris Legatus ad  
Franciæ Regem.*

Hujus urbis jactura tam intimo dolore Daniel hist.  
de France  
tom. 10.  
Cayet ad  
ann. 1601.  
laniabat Mahometis III. Ottoma-  
nici Imperatoris animum, ut pejoris  
adhuc fortunæ ludibria veritus Princi-  
pes Christianos, quos prosperi succe-  
sus felicitate ad æqualis gloriæ æmula-  
tionem excitari præsenserat, a foedere  
cum Cæsareis pangendo avertere totis  
viribus niteretur: hanc in rem Bartho-  
lomæum de Cuevro patria Massilien-  
sem, ac fidei Christianæ desertorem  
absque tamen splendido comitatu ad  
Henricum IV. Galliarum Regem alegat,

D 4

dato